

# OSPATZEKO GARAIA

Sagarrondoan loraldiari gorazarre egiteko, hainbat ekitaldi antolatu dituzte Usurbilen, Astigarragan, Hernanin eta Donostian, Sagastiak Loretan egitarauaren barruan; Usurbilgo Sagardo Eguna, besteak beste.

**U**daberria sagastien loraldia ospatzeko sasola da. Udaberriarekin batera, sagarrondoak lorez betetzen dira, eta sagastiak zuri kolorez janzen dira. Urte sasoi honek sagastietan duen garrantzia azpimarratzeko eta sagastiek eskaintzen dituzten paisala ederez gozatzeko, hainbat ekitaldi antolatu dira 4. Sagastiak Loretan ospakizunaren barruan. Halaber, sagarrondoek loretan eskaintzen dituzten paisalez gain, loreen ondoren sagarrak jaioko direla eta sagarren bidez sagardoa sortuko dela nabarmenduko da.

Ikastaroak, ibilaldiak, emanaldiak, omenaldiak, erakusketa bat eta beste hainbat ekitaldi izango dira egunotan. Antolatzaileak honako hauek dira: Usurbilgo Sagardo Egunaren Lagunak elkarte, Alkartasuna, Usurbilgo Base-

rritarren Kooperatiba, Noaua Kultur Elkarte, Usurbilgo Sagastia elkarte, Sagardoaren Unibertsitatea, Gipuzkoako Sagardogileen Elkarte, Bizi Sagardoa eta Usurbilgo Udala.

Apirilaren 30ean, *Sagarrondotik Sagardora* ikastaroan, landareen bizimoduaz eta ilargiaren eraginaz mintzatu ziren Xabier Akizu eta Jakoba Errekondo Usurbilgo Potxoenean. Ikastaro horren barruan, sagastien udako kimaketa eta gaitzak aztertuko ditu Aitor Etxeandiak, Potxoenean bertan, ekainaren 4an. Ikastaroan parte hartu nahi duenak Alkartasuna kooperatiban eman behar du izena. Horretarako, 943-36 11 14 telefono zenbakira deitu behar da, edo mezu bat bidali [alkartasuna@usurbil.com](mailto:alkartasuna@usurbil.com) helbide elektronikora.

Maiatzaren 15ean, igandearekin, Mikel Olanok *Udaberria: Sagastiak loretan eta txoriak kantuan* emanaldia egingo du Usur-

bilgo Saizar Sagardotegian, 10:00etan, eta, gero, emanaldira bildutakoak txorien kantuak entzuterako joango dira Anaerrekara. Egun berean, San Ixidro eguna ospatuko da Usurbilen.

Maiatzaren 19an, Euskal Herriko sagardoaren ibilbide turistikoaren aurkezpena egingo dute, Potxoenean, 11:00etan.

Maiatzaren 22an, 35. Sagardo Eguna ospatuko da Usurbilen, eta, urtero bezala, giro ederraz gozatu ahal izango da. Usurbilgo baserriarrek eta gainerako sagardogileek eta Gipuzkoako Sagardogileen Elkarteak kideek ekoiztutako sagardoak eta Eusko Labela duten sagardoak dastatu ahal izango dira.

## 'SAGARDO IBAIAK' ERAKUSKETA

Maiatzak 13tik 22ra, *Sagardo ibaiak*, bizitza iturri erakusketa zabalik izango da Usurbilgo Sutegin. Sagardoaren Lurraldeak sus-



Sagasti batzuk, loretan. TREBIÑU SAGARDOTEGIA



Sagarrondo baten lorea. EDUARDO PEREZ DEL OLMO

tatu du erakusketa hori, Astigarragako, Hernaniko eta Usurbilgo udalekin eta Donostiako Aquariumarekin elkarlanean. Apirilean, Hernanin zabalik izan zen; iraillean, Astigarragan ikusi ahal

izango da, eta, 2017an, Donostiako Aquariumean.

Oria eta Urumea ibaiak, Gipuzkoako bi ibairik garrantzitsuenek, sagardoaren inguruko sekturu ugari gordetzen dituztela

# Petritegi

## Sagardoaren jaiotetxea.

petritegi.com

**GAZTAÑAGA**  
SAGARDOTEGIA

Edan eta goza  
**Gaztañaga sagardoa**

GORENAK

Buruntza auzoa • ANDOAIN • 943-59 19 68 • [info@sidreriagaztañaga.com](mailto:info@sidreriagaztañaga.com) • [www.sidreriagaztañaga.com](http://www.sidreriagaztañaga.com)

**USURBILGO  
35. SAGARDO EGUNA**

**MAIATZAK 22, IGANDEA**  
10:30. «Sagardotegia, gure kolejiyua» kantatu zuen Udarregi bertsolariaren oroimenez Remigio Mendiburuaren eskultura duela 50 urte jarri zela gogoratzeko ekitaldia.

**Goiz osoan.** Frontoian, herriko basemittarrak eta beste sagardogileak izango dira; Dema plazan, Gipuzkoako Sagardogileen Elkarteko postuak jarriko dira, eta, Askatasuna plazan, Eusko Labea duten sagardoak dastatzeko aukera izango da. Pintxoak dastatzeko aukera ere izango da.

**11:00.** Potxoenea atarian duela 20 urte egindako Noaua/aldizkariako bazkideen argazkia berri-tuko dute.

**11:30.** Hasiara ekitaldia, Noaua/aldizkariako kideen eskutik.

**18:00.** Elektro Patxaranga musika taldea kaleetan ariko da, 21:00ak arte.



Jende ugari izazko Usurbilgo Sagardo Egunean. NOAUA

eta bi bailara hauekako bizilaguen arteko komunikaziorik eta harreman ekonomikorik antolatzea eta Gipuzkoako garapen historikoan berebiziko garrantzia izan zutela erakutsi dute Espainiako estatuko, Gipuzkoako eta hainbat udaletako artxiboetan egindako ikerketek.

Antzina Gipuzkoak izan zituen bi bizitza iturri nagusi eta inguruko bizilagunentzako aberastasunaren iturriak izan ziren Oria eta Urumea ibaiak. Garai batean, gainera, aurrendariak izan ziren, eta puntako teknologia erabili zuten ibai horietako zereginetan. Portu instalazioak eta zerbitzuak izan zituzten, eta beren ur bazterretan salerosketa gune ugari izan ziren.

istorio ugariaren lekuko izan ziren: XVIII. mendeko langileen greba, Ergobiako bidesarian ordaindu behar zen tasa, itsasoaren eta portuekin loturiko zenbait

ogibidetan soldataren zati bat ordaintzeko sagardoa erabiltzen zela, Astigarragako alkate harakinarren eta Murgiako jaunaren haserrea, Ignacio de Soroa ontzigile usurbildar ospetsuaren amodio kontuak... Ezezagunak eta aldi berean bitxiak eta interesgarriak dira iraganeko kontu horiek, eta Urumea eta Oria ibaien ahalmen turistiko eta kulturala azpimarratzeko eta Gipuzkoako garapen historikoa ezagutzeko parada ematen dute.

**SAGARDOETXEKO UDABERRIKO BISITAK**

Apirilean eta maiatzean Astigarragako Sagardoetxean izango diren bisitetako edukiak udaberri-

ko egutegira moldatu dira, eta erdi-leen mundua, polinizazioa eta sagastiko intsektuak ezagutzeko aukera izango da. Horrez gain, loretan dauden sagarondoetan barrena ibilaldia egiteko aukera emango zaie bisitariari.

Maiatzaren 18an, Museoen Nazioarteko Eguna ospatuko da Sagardoetxean. Aurten, nazioarteko gaia *Museoak eta paisala kulturalak* da, eta Sagardoetxean *Erlen bizimodua* ezagutzeko bisita gidatua egin ahal izango da. Urtero bezala, egun horretan museorako sarrera doakoa izango da.

Maiatzaren 28an, *Luis eta Eugentaren biklak* ikuskizuna aurkeztuko dute Sagardoetxe

gastian. Astigarragako murgilarraren jauregiko markesaren familia eta Santiagomendiko baserri bateko familia baten arteko istorioa irudikatuko da antzerkiaren, musikaren eta dantzaren bitartez. Ikuskizun horretan, Astigarragako hainbat talde kulturalerako haurrak ariko dira; besteak beste, Norberto Almandoz musika eskolakoak, Astigarragako antzerki eskolakoak eta Astigar Euskal Ohiturazaleen Elkarteko dantza taldekoak.

Azkenik, Sagardoetxeak antolatuta, eta loretan dauden sagarondoek eskaintzen dituzten paisala ederrak aintzatzat hartuz, *Jatorrizko bekatua* izeneko zozketa martxan jarriko da sare

sozialetan. «*Jatorrizko bekatua*ren fruitua sagarra bada, sagardoaren lurraldean dago paradisu», Sagardoetxeako arduradunen hitzetan.

Zozketan parte hartu ahal izateko, erabiltzaileek *#jatorrizko bekatua* traola erabili eta beren argazkiak partekatu beharko dituzte Facebook, Instagram edo Twitter bidez. Parte hartzaile guztien artean, bi lagunentzako sagardotegiko otordua zozkatuko da.

@ Informazio gehiago:  
[www.usurbil.eus](http://www.usurbil.eus)  
[www.sagardoarenlurraldea.com](http://www.sagardoarenlurraldea.com)



**LIZEAGA**  
Sagardotegia

ASTIGARRAGA • 943-46 82 90



Lizeaga Sagardoa,  
hori gozamina!

edan  
eta  
eman  
edatera